

Reciclar papel

Cando utilizamos papel reciclado contribuímos á conservación do medio. Sabes por que? Para comezar, se usamos unha tonelada de papel reciclado evitamos a destrución de 17 árbores, que son as que necesitaríamos para facer unha tonelada de papel novo.

Ademais, a reciclaxe de papel necesita un 65% menos de auga que a fabricación de papel novo, e tamén provoca un 75% menos de contaminación do aire e un 35% menos de contaminación da auga.

E ti, queres aprender a reciclar papel?

PRECISAMOS



Tina papeis vellos batedor auga peneira

COMO SE FAI?

1. Rompe o papel en anacos miúdos. 	2. Nunha tina con auga, pon en remollo os anacos de papel durante 2 días. 	3. Mestúrao todo e esmiúzao co batedor 
4. Deita a pasta resultante sobre a peneira e esténdea ben para obter unha capa fina. 	5. Deixa secar a pasta. Despois, extrae a lámina de papel con coidado. Xa tes unha folla de papel reciclado! 	

2 Marca o tipo de texto que acabas de ler.

- ☐ Un conto. ☐ Unha noticia. ☐ Unhas instrucións. ☐ Unha reportaxe.

3 Escribe o nome. De que obxecto se trata?

- Electrodoméstico que tritura e bate alimentos.
- Recipiente redondo, de metal ou de plástico, usado para lavar pratos, roupa, etc.
- Coador con buratos moi pequenos.

▶ _____

▶ _____

▶ _____



4 Risca en cada grupo o termo que non significa o mesmo ca os outros.

poñer usar colocar
depositar pousar

provocar levar ocasionar
causar orixinar

5 Escribe cada verbo debaixo do debuxo que corresponda.

poñer en remollo triturar romper extraer estender



6 Risca o paso que non aparece no texto e ordena os outros.

- ☐ Mestúrao todo e tritúrao co batedor.
- ☐ Rompe o papel en anacos miúdos.
- ☐ Engádelle á pasta o colorante que queiras.
- ☐ Deixa secar a pasta. Despois, extrae a lámina de papel.
- ☐ Nunha tina, pon en remollo os anacos de papel durante 2 días.
- ☐ Pon a pasta obtida sobre a peneira e esténdea ben para obter unha capa fina.



7 Relaciona. Que aforro supón reciclar papel segundo o texto?

Reciclar
o papel
supón...

- | | |
|----------------|-------------------------|
| 65% menos de • | • contaminación do aire |
| 75% menos de • | • gasto de auga |
| 35% menos de • | • contaminación da auga |



8 Calcula e contesta escribindo as cifras en letras.

- Se para o papel novo usamos 100 litros de auga, cantos litros usaremos para o papel reciclado?

- Unha tonelada son 1.000 kg. Cantas árbores salvaremos facendo 4.000 kg de papel reciclado?

- Se conseguimos salvar 51 árbores, cantas toneladas de papel reciclado fabricamos?

9 Escribe a palabra que corresponde a cada definición e, ao acabar, contesta.

- Lámina moi delgada que usamos para escribir, debuxar, envolver regalos... ► P _____ L
- Tenda onde venden papel, cadernos, lapis... ► _____ E _____ Í A
- Recipiente para tirar papeis inútiles. ► P _____ RA
- Cubrir de papel pintado unha ou máis paredes. ► E _____ P _____ R
- Pequena folla de papel que se desposita nas urnas para votar. ► P _____ P _____ T A

Cal é a palabra a partir da que se formaron as outras? _____

Como se chaman as agrupacións de palabras como esta? _____


10 Escribe tres palabras de cada familia.



zapato



doce



libro

- 11** Arrodea os adxectivos e subliña os substantivos a que fan referencia.

Xaime estaba no campo e contemplaba a verde paisaxe diante del. Colleu o caderno e comezou a debuxar. De súpeto preguntouse cantas fermosas e fortes árbores como aquelas cortarían para fabricar un dos cadernos brancos onde debuxaba a miúdo... A próxima vez mercaría un de papel reciclado. Así coidaría o ambiente!



- 12** Completa a táboa cos adxectivos do texto anterior que cumplan as características indicadas.

	FEMININO	MASCULINO	INVARIABLE
SINGULAR			
PLURAL			

- 13** Escribe en que grao está o adxectivo de cada oración: comparativo, superlativo ou positivo.

- Este é o mellor lapis para debuxar. ► _____
- Preciso unha cartolina máis grosa ca esta. ► _____
- O papel reciclado é facilísimo de facer. ► _____
- Xoel deume uns papeis engurrados. ► _____



- 14** Explica por que se acentúan ou non estas palabras do texto.

- miúdos ► _____
- ambiente ► _____
- ademais ► _____

- 15** Responde. Cres que é conveniente reciclar papel? Por que?
